

月
滿
樓
詩
集

月滿樓詩集卷六

元和顧宗泰景嶽

受業施杓編輯

北征集

乙酉是春上四巡江浙又獻賦行在既遊焦山窮探諸勝以屢次渡江祇陟

金山未登焦巖故也歸吳門不三月又赴秦淮冬治裝北上爲入都之始曩有焦巖

集今歸入

北征集

抵京口宿蓬萊別館贈陸道士

輕帆卸疎雨。取徑入江郭。遂造烟霞居。松軒眎寥廓。游雲赴幽岑。倦鳥歸叢薄。愛此風氣清。萍踪欣暫託。羽人如夙契。良夜侑春酌。頓忘行路難。合坐同所樂。蓬萊編

仙鄉高風宛如昨。適然松雪詩大雅。猶可作。元張上卿留孫居此

松雪有詩

龍潭道中作

五載龍潭道。塞驢往復還。何須驚按劍。獨自去看山。孤竹晴烟外。疎松暮靄間。便生雲壑想。一笑出塵寰。

題深林理琴圖

寂寂空山幽。陰陰桂林蕭。一挾龍唇琴。爲譜松風曲。絃外餘清音。泠然韻寒玉。白雲下蒼岑。流泉瀉深谷。知仁山水心。卽境愜幽獨。孤賞超煩襟。寄謝箏與筑。

自北固放船至焦山用東坡自金山放船至焦

山韻

我欲乘鶴追蕭耽。山遊直畧江之南。身非飛仙不易到。
攀躋只得十二三。竭來京口興超絕。風光恰值眠吳蠶。
曉登北固縱遠覽。金焦不到心銜慙。妙高故是舊遊地。
浮玉特秀臨春潭。焦山一名浮玉同朋鼓勇掛帆去。中江破浪
乘清酣。到山老僧喜客至。觸鋒便作虛無談。雷回古鼎
間佛問。華陽舊碣探香龕。歸待江潮住松徑。淪得佳茗
知泉甘。我願胸中富邱壑。六塵擾擾誰非貪。帝鄉白雲
此卽是。淩風歌嘯吾猶堪。孝然高蹤如可作。何當松寥
峯畔開花菴。

沈旭岑話雨敞樓時旭岑將入都作此送之
昨眺江山北固樓歸來知已話閒愁常思汲古憑修紙
豈愛迎時下曲釣三逕繁花新入夏一簾疎雨澹疑秋
君將折柳金臺去剩我烟溪伴雪鷗

青玉塢聽鶯

在焦山

翠嵐滴露結清陰流憩初來修竹林欲挽青春留暮景
偏教黃鳥弄餘音交交欲繞他鄉夢嚶嚶能驚遠客心
髣髴戴公山畔聽雙柑斗酒愜幽襟

別峰禪院看牡丹

粲若紅霞起入門花正開空中留豔色塵外見芳堆占

得餘春在。看宜遠客來。誰賡山甫句。屬思試天才。

唐人詩誰

似天才李山甫壯
丹屬思亦縱橫

海嶽菴懷古

滄江書畫船。夜夜虹貫月。所寶有研山。來易山水窟。到
今仰蕚米。流芳未消歇。我來海嶽遊。清風散林樾。

立夏後三日汪生蘭成劉生秉和盧生凌霄沈
生企程邀余遊靈巖登栗臺有作

猶是清和後。探芳步翠岑。空廊松雨細。曲徑竹烟深。往
蹟憐殘石。流風怨素琴。年年春欲老。香草美人心。

碧磴盤雲上。蒼茫倚古臺。湖流將綠繞。山影遶青來。共

有登臨興。渾忘羅綺哀。夕陽歸路晚。花外梵鐘催。

題涉江采芙蓉圖

波光千里含烟碧。芙蓉花向空江坼。亭亭照水明如霞。
却。有。天。然。好。顏。色。花。邊。蕩。漾。白。日。斜。所。思。不。見。長。咨。嗟。
欲。通。微。詞。渺。何。處。秋。雲。隔。住。天。之。涯。天。涯。延。佇。情。何。已。
花。落。花。開。又。如。此。休。傷。遠。道。空。媒。勞。且。折。芳。馨。寄。公。子。

題春疇觀稼圖

東。臯。昨。夜。時。雨。足。邨。北。邨。南。新。水。綠。春。鳩。嚶。嚶。枝。上。啼。
喚。起。人。家。種。百。穀。百。穀。種。處。陰。雲。低。分。莖。抽。翠。禾。欲。齊。
知。道。農。家。生。計。好。落。花。時。節。扶。鋤。犁。子。真。逸。趣。居。谷。口。

竹翠松烟浮戶牖。有時坐石課深耕。便欲明農事南畝。
人間那得萬戶侯。勞勞塵壤徒煩憂。不如悠然伴沮溺。
看雲常對溪山幽。

隨園主人張燈宴客卽席有賦

八月六日天氣清。四圍疊翠秋山明。主人因山築亭館。
今夕招客尋詩盟。亭館之勝甲江左。蘭橈桂棟烟霞鎖。
樹杪飛樓賽碧城。水中架閣疑仙舸。就中勝絕琉璃宮。
冰壺映玉涵虛空。花開金粟交戶牖。廣寒之府將無同。
是時有月月未滿。稍出清輝照平遠。主人興發命懸燈。
爇起龍膏紫霧暖。千影萬影飛榮光。銀花火樹爭煌煌。

廣庭但訝星宿落。那知有月行中央。雲端何處笙歌奏。
縹緲鸞音繞巖岫。若非趙曲動金絲。定是秦聲按羅袖。
張筵置酒酒正酣。座中名士羅江南。良辰美景不易得。
高會無乃樂且耽。主人本是蓬萊客。小謫人間領仙籍。
功名十載歸去來。卜取雲山作安宅。去官卽向金陵家。
春秋看遍江上花。六朝風景正不遠。直將襟抱收雲霞。
雲霞今夕容我共。厭厭夜飲傾瑤甕。却憐別後秋江遙。
清遊常入疎燈夢。

營脰湖書感

昔日鶯湖曾放棹。春雲暉暉畫圖。如桃花浪裏飛錦鳥。

楊柳陰中浴錦魚。不覺人來秋易老。可知境過景成虛。
丹楓冷處溪光澹。又值蕭蕭落葉初。

將之都門述懷

木落西風起。飛鴻戾紫旻。可堪遲暮節。竟作遠遊人。同
室曾無弟。高堂獨有親。天涯重回首。從此看雲頻。

其二

離居誠可恨。閨婦怨分襟。此日飛蓬感。他時采綠心。曉
霜寒翠袖。宵月冷瑤簪。未有春風轉。愁先芳草深。

其三

別有銷魂處。知心眷友生。相持一尊酒。從此去孤征。旣

繞雲山夢。燕憐文字盟。何時重聚首。剪燭話深更。

潯墅闕

輕舟初過闔閭城。記取吳關第一程。何必天涯悲遠道。
此間已動故鄉情。

范水道中

若有排空勢。輕帆剪急湍。一天風色厲。兩岸水聲寒。逸興持杯遣。生涯把劍看。飄零吾道在。行路不知難。

淮陰阻風作

天光慘淡雲模糊。北風獵獵吹平蕪。客舟欲上不得上。
竟日泊岸藏菰蘆。此地韓侯垂釣處。烟波直接清江路。

却憐征客方淹留。水宿風餐歲云暮。憶昔汗漫三春遊。
賦詩行酒同朋儔。壬午春客淮陰雲龍追逐渺何處。故人接跡
趨瀛洲。却來風景還如昨。獨阻淮陰歎飄泊。人生順逆
那得知。且自傾杯醉棄落。

板開放舟過清江浦遂渡黃河

回首關津隔幾層。將歌匏葉旅愁增。耐經淮浦三宵雪。
竟渡黃河十里冰。北去看山程可計。南征讓雁信難憑。
年來跋涉吾猶懼。春浪桃花記昔曾。

自王家營至紅花埠俱沙地平衍至曹邨始見

遶山

北行豈憚朔風嚴。人在寒郊詩思添。今日車中窮遠目。
夕陽一角露山尖。

郊城

落日驅車至。孤城烟靄中。舊傳郊子國。尚有魯人風。
翠障東山近。清流沂水通。入疆延覽徧。古朴此鄉同。

沂水道中

祊河橋外景徧幽。才過鸞庄又裏溝。回首城南三十里。
清波幾曲是沂州。

發伴城遂踰大峪嶺

山自伴城來。層巒互起伏。此嶺勢較高。蒼寒奪人目。舍

車驅盤陀。隨徑歷崖谷。回看車下坡。失勢奔圓軸。人世無險夷。小心須震肅。果自守兢兢。高峯亦平陸。

過鳳凰嶺至青駝寺

鳳凰嶺外青駝寺。客到停驂縱遠探。此地烟雲供畫筆。數峯染黛似江南。

蒙陰縣

蒙陰古潁川。東魯附庸區。區區子孫憂。妄圖乃自益。豈知千載後。與費同滅熄。置縣易故封。懷古爲太息。日夕驅車來。寒烟繞孤驛。

抵敖陽

冬殘天更寒。林巒帶晴雪。遙夜抵放山。新月上山缺。

過新泰暮投翟家莊

征客下孤城。衝寒指去程。日光鴉背盡。山勢馬頭橫。不盡崎嶇路。偏諳逆旅情。何時休歲晚。况瘁慰平生。

楊柳店

羊店俗稱楊柳店

勞勞車牽自間關。寒歲孤征未計還。風雪人過楊柳店。江南回首隔東山。

謁羊太傅祠

寒雲迷遠樹。急雪飛崇岡。竭來太傅里。暮景彌蒼涼。我夙慕羊公。拜廟登其堂。輕裘無緩帶。玉貌流輝光。高風

蕭祖豆奕世垂馨香。羊氏泰山望。譜系猶能許。公祖南

陽守。漢季名孔彰。

續爲南陽太守

有功桓靈世。卜宅居平陽。

今新

縣。公爲晉名臣。史傳尤煌煌。爲稽鈞遊地。乃在東海疆。

泰山南城爲東海郡

或云公弟琇葬公祖墓旁。傳聞有異詞。懷古

空茫茫。緬維公德澤。漢水流俱長。至今峴首碑。墮淚沾

巾裳。居人爭愛慕。閭里偏弗忘。公懷自千古。豈其戀故

鄉。

衝雪過花馬灣夜宿時家莊曉發晴霽朔風轉

厲

深宵衝雪過平陽。到曉重陰散遠岡。可愛漫云冬日暖。

其涼莫解。北風狂飄。零寫忽憐。王粲落拓。忘憂藉杜康。
羨煞村農。齊瑾戶安居。終歲住山鄉。

望徂徠山

秀出寒空。積翠垂此中。合自閔靈踪。宛凌羣岫。推東魯。
儼接崇巒。拱岱宗。已是停車探雪逕。未能蠟屐叩雲封。
終期陟彼尋幽遍。一撫當年百尺松。

泰安道中

記取山行自伴城。層巒天際列雲屏。莫嫌日曆崎嶇徑。
飽看齊州未了青。

其二

程程向北指京華。舉礪偏遵石徑斜。愛看翠微俱積雪。
不知何處有梅花。

望岱

山中望崇山。其勢易跋及咫尺。開層雲。偏若忘業茂。不
知客行山。盤陀歷梯級。其間去平地。峯巒已萬疊。岱乃
五岳宗。巖巖峻獨立。孤根發沂州。靈氣百里合。突兀撐
空冥。陰陽自吐飲。遍天日月樓。迴風鬼神入。緬彼所處
高。羣岫盡拱揖。曷繹偕龜蒙。環向如瑞輯。徂徠亦附庸。
連絡更妥貼。餘山悉培塿。無靈不震懼。陡然瞻氣象。昨
在新泰邑。今來踐山麓。何當便登躡。詆蕩窺天門。萬里

一。呼。吸。雞。鳴。瞰。滄。海。金。烏。照。焜。燿。九。點。小。齊。州。寰。中。遂。
隘。狹。夙。昔。所。觀。止。歷。歷。在。雙。睫。辛未登覽至
今將數年矣惜哉未窮。
巔。想。像。殊。快。悵。七。十。有。二。君。穹。碑。尙。屹。立。金。石。垂。豐。功。
頌。贊。繼。詩。什。誰。陳。封。禪。書。光。芒。動。閭。闔。秦。松。漢。柏。間。雄。
風。仰。肅。颯。千。仞。會。振。衣。終。須。曠。覽。愜。

奏安別彭淳齋

同。是。遠。遊。人。他。鄉。意。倍。親。客。中。偏。送。別。又。此。阻。音。塵。勵。
志。追。原。憲。懷。憂。似。子。春。時傷足知君良自愛珍重歲寒辰。

憶家

定。省。今。多。曠。辭。家。及。歲。寒。却。憐。兒。女。慧。能。博。老。親。歡。鏡。

膝知愁。遣舍餘帶笑看。想還明月夜。指點訴長安。

開山

連朝翠嶺苦山行。北到開山路漸平。回望萬峯晴翠合。
却憐百里曉雲生。齊河近隸知強俗。燕界遙連指上京。
且喜輪蹄向空濶。從今蹴踏白雲程。

抵齊河過大清橋

出山漸覺平沙濶。入境偏憐寒樹多。試到大清橋上望。
雄闊形勝繞齊河。

晏子城

泱泱表海雄。風顯千古人。猶說晏嬰爽。境不須更舊宅。

月清樓詩集
卷下
偏傳郊外有專城

禹城夜月

一與清景遇悠然便思家家人憶千里此夕同客嗟客
嗟空復情奈此芳歲華愁心應寄月隨客到天涯

平原

區區自薦豈叨恩穎脫囊中亦恥論當日先生原未識
買絲不合繡平原

德州渡口

沙平樹遠覺天高寒到河流凍未銷渡口不須頻喚渡
一鞭斜照過浮橋

富莊驛聽歌

輕撥檀槽。侑客鵲。依然風調。叶宮商。曲中偏唱江南意。
花。落。花。開。總。斷。腸。

其二

曾向旗亭折柳枝。紅牙小拍譜新詞。今宵帳觴銷魂句。
回。首。春。風。彼。一。時。
庚辰春於吳門賦柳枝壬午秋又於白門賦柳枝江南北一時多屬和者

其三

冬殘疎雪點寒花。偏向風塵老歲華。我是青衫憔悴客。
燈。前。堪。更。聽。琵琶。

河間道中

疎雪飛花點客甌。清吟偏耐暮寒天。行囊幸有詩千首。
抵得河間姹女錢。

冉家橋

鄉夢續又殘。石橋鞭馬度天明。還未明。孤月籠寒霧。

趙北口

曉發任邱城。午到趙北口。此地古易州。雨淀亘前後。中
央起紅橋。齒齒紛排偶。天半落長虹。遠勢若向斗。是時
方涸寒。澄流凍已久。一望方遙茫。皓白豁塵垢。恍如碎
玉積。不道堅冰厚。冰牀數徃來。又訝盤珠走。想當春風
和。層波清且瀏。碧浮上竿魚。綠映垂楊柳。人家水雲鄉。

可○比○江○南○否○我○本○江○南○人○
竭○來○重○搔○首○橋○外○青○帘○多○停○
車○且○沽○酒○

白溝河

新○昌○城○外○獨○經○過○一○道○深○溝○
割○素○波○地○限○宋○遼○空○壁○壘○
天○雄○燕○趙○自○山○河○寒○雲○北○樹○
歸○鴻○少○落○日○中○流○飲○馬○多○
指○點○神○皋○瞻○氣○象○豈○徒○擊○節○
起○悲○歌○

新城道中

偶○從○縣○北○駐○征○輪○日○午○偏○多○
上○市○人○客○裡○忽○驚○芳○歲○轉○
賣○將○花○帖○換○空○春○

畿南望海子

境入畿南氣象雄。此間振旅仰戎功。鵬盤遠樹寒雲白。
馬騁平原落日紅。漢代館開陳羽獵。周王駕肅賦車攻。
挾天誰是才華盛。簪筆名高侍從中。

黃邨古永定河故地

匆匆單騎夕陽亭。回首鄉關入杳冥。永定河邊人獨過。
離愁豈待柳條青。

月滿樓詩集卷七

元和顧宗泰景嶽

受業陳 預編輯

薊門集

丙戌 余以拔萃科應朝考賦桐花詩選聖賞置第一于時搜討古蹟酬贈良知俱有

作編薊門集

玉竦橋望西山

風日喜澄。巖坦步春城。遊金溝。注碧水。玉河漾明流。橋南一以眺。遠目窮清幽。西山起爽氣。雲構空中浮。靈通鳳凰闕。翠壓蓬萊邱。輕霞綢猶淺。斜陽澹未收。晴嵐難具狀。但眎煙光稠。誰能羽化去。峯頂追仙儔。

燕臺雜感

虎踞龍蟠古異方。九關王氣鬱蒼茫。東凌碣石環滄海。
西控崑崙引太行。宮殿雲垂中定極。屏籬星拱外分疆。
於今一統瞻文治。八律聲和驗雨暘。

其二

悲風慷慨舊燕京。人倚高臺落日橫。國有弱才推樂毅。
市多俠客首荊卿。百年灑酒心彌壯。一夕酣歌氣未平。
我亦長安年少士。秋原弔古涕頻傾。

其三

九軍節度盡唐封。鼙鼓聲中起夜烽。臨朔危宮曾祭馬。

漁陽私第又潛龍曰潛龍宮漫污寶塔傳遺頌誰偃金
戈復舊帟終古太平歸有道采薇歌罷事春農

其四

名州十六割燕雲石晉偏安孰掃氛劃土儼然南北界
歷年從此宋遼分秋岡難問虜龍塞春帳空屯涿鹿軍
一自八瀛俱納欵天邊箕尾應星文

其五

離宮別館碧闌干會舞春風小契丹射虎門東沙徑暖
又魚池畔翠波寒酒珍琥珀蠻杯醉曲賜琵琶麗女彈
遺事金元如曉夢風流開寶一同看

其六

百二關河指顧中。一時翹首數征鴻。千霄空佩張華劍。
衝雪誰鸞李廣弓。千里壯遊來薊北。十年舊夢寄江東。
小金臺下馳驅處。匹馬頻嘶楊柳風。

人日

陽回玉瑄鳳城春。庭砌仙蓂七葉新。不奈風光逢此日。
花前人。是未歸人。

其二

書劍飄然到此鄉。偏從客裡轉年光。故園知道梅花放。
依舊清香度草堂。

遊憫忠寺觀寶塔頌碑

貞觀到今垂千年。憫忠寺閣方巍然。傳聞征遼士卒死。
三韓收骨歸幽燕。不憫生靈憫死魄。建壇資福憑空禪。
遺文且復勒碑版。摧殘古字人間傳。繼世頌揚更足異。
轉出寇賊窮雕鐫。吁嗟天寶之紀。君播遷。悔任邊將窮。
荒邊范陽毒擾安。與史相繼跋扈興戈鋌。思明何人留。
穢迹妄褒唐祖同。聖賢蘇靈之書不矜筆。參軍競署揚。
腥羶殘碑至今頌。寶塔猶藏石壁寒。雲煙爭光寶塔頌
撰文參軍蘇靈芝書石憶昔柳城軍萬千。盡驅極塞那。
有御史大夫史思明名得全安市班師已無及。臨風泣祭徒增憐。四傳便嗟蕃。

月清言少
將畔誰知禍亂開其先金塞石勒碑不滅直垂炯鑑同
史編不見古來馭遠服銷兵却馬皆歸田九軍節度不
足恃惟恃有德中持權

元夕少司寇錢茶山先生招飲寓齋作

清宵圓月照長安官閣追陪接舊歡情熟偏容禮數減
春回更樂酒杯寬天街花合燈初試仙幙香遲漏漸闌
宴罷醉饒吟興逸敝裘歸路不知寒

鳳城燈詞

長安樂事試春燈五劇三條十二層樓外夜深明火樹
不知圓月自西升

其二

大道朱樓炫綺羅。東華舊市問如何。誰家遊冶歸來晚。
一路曾無醉尉訶。

其三

芳塵輕轉七香車。翠繞花圍最麗都。却訝六街爭辟易。
上頭夫婿是金吾。

其四

蓮炬星毬十里懸。風光最好踏燈天。太平鼓裏民康樂。
九市場開大有年。

少宗伯劉圃三先生齋中雅集同張少華中翰

侍露川進士葉履元明經暨令嗣退谷連句

兩舍人作

端。卿。門。第。是。神。仙。永。夕。叨。陪。樽。酒。前。最。喜。同。人。皆。舊。侶。
况。逢。高。會。入。新。年。清。香。畫。戟。依。華。寢。細。雨。疎。燈。醉。綺。筵。
誰。是。座。中。揮。健。筆。愧。無。佳。韻。寄。吟。箋。

慈仁寺訪雙松

昔。聞。古。松。樹。日。下。雨。虬。龍。人。代。存。初。地。風。雷。失。舊。蹤。堪。
來。尋。偃。蓋。空。自。度。華。鐘。想。像。山。河。裡。千。秋。悵。不。逢。

登毘盧閣

百。尺。何。年。閣。今。宵。獨。倚。闌。境。從。塵。外。落。人。到。靜。中。看。河。

海依山遠。星辰傍斗。寒凌空浩。歌發松籟。繞幽壇。

懷古詩十首

黃金臺

千金置高臺。以延天下士。昔者燕昭王。願從郭隗始。落
日驅車來。颯颯悲風起。

樂毅墓

功成走邯鄲。誰云輕去國。爲弔望諸君。古墓增太息。千
秋管子才。前後比超特。

黍谷

吹律有鄒衍。一吹暖空谷。燕地多回春。還見五穀熟。寒

陰無處無吾欲問嶰竹

督亢坡

深沉是酒人。燕市互歌哭。一朝獻地圖。事去國轉蹙。千秋易水寒。空悲羽聲曲。

樓桑村

心飛蜀道雲。祠擁燕山霧。王業歎三分。空邨表行路。樓桑繁蔭深。啼鳥滿日暮。

張華宅

茂先好八史。博物乃其最。匣劍一朝飛。嗟哉竟羅害。托興賦鷦鷯。胡不翔天外。

劉諫議祠

伯仲賈董間。不及李邕第。死後鬱孤祠。空教祀百世。誰知一布衣。獨關天下計。

賈島峪

林泉主簿廳。松雪仙人島。澆酒祭詩篇。直以苦吟老。當年落葉歌。句滿長安道。

文丞相祠

小樓且三年。從容就柴市。爲讀正氣歌。孤忠貫終始。烈烈勤王心。豈徒誓一死。

蕭后粧臺

委宛偏多風。曾作回心院。十香竟銜冤。傷譏棄團扇。至
今樓畔。花空復飛春燕。

花朝

漫說花朝未見花。半年踪跡滯京華。最憐異地看春日。
何處深村賣酒家。草色自含疎雨細。柳痕還帶曉風斜。
故園遙憶真懷斷。不奈天涯音信賒。

古詩呈大司農于耐圃先生

聖人開至治。文獻羅公卿。臺星應運起。輝德翔天庭。著
作重手筆。密勿參機衡。維公意宏遠。用佐三階平。探丸
出香案。卽此瞻儀型。

其二

儀型及中外。况坐元亭中。函容廣至教。善燭開愚衷。陽
和轉空谷。披拂滋蘭叢。蘭叢自孤寂。被以君子風。持此
感幽賞。底事驚秋蓬。

曹習庵編修招飲寓齋卽席有賦

不知春已半。但覺春風多。主人置美酒。招客登軒阿。嘉
肴紛玉膾。細觥飛紅螺。並坐同所樂。相與陶天和。情至
興不淺。禮簡文無苛。側弁日醉止。一笑朱顏酡。終宴懷
芳辰。爲倚同聲歌。

清明同吳白華庶常趙璞函舍人作

去歲山川遠道思。今年雨雪離憂賦。已過東市賣餚天。
何處江南踏青路。江南最好是清明。柳絮飛時花滿城。
東坡句。豈謂長安無樂地。春寒猶自滯鶯聲。

程戢園舍人招同畢秋帆中允張次堂中翰程

正南孝廉衡帆明經集寓齋雅譙因懷舊有

賦

舊雨重逢又五年。高齋清譙話芳筵。昔依淮浦同吟雪。
今聚京華值禁煙。座盡鸞鸞嘉客盛。杯傾鸚鵡主人賢。
玉山那惜頽唐甚。並醉春風綺幙前。

上巳歌

萬歲山前風日新。玉河橋下波粼粼。桃花一色映羅綺。
依舊水邊多麗人。羊侃侍兒錦靴窄。李波小妹銀環側。
分明兔射值芳辰。燕北襍記三月三日以木雕爲兎分
朋走馬射之燕呼此節爲陶哀花陶
哀是兎
花是射夕陽斜照廻金勒。風流不道華林園。一時解襖
春風暖。客遊春明及半載。韶華入眼牽吟魂。却憶去年
逢上巳。莫愁湖畔長千里。絮飛花落殘鶯啼。座上清尊
會珠履。去春客秦淮是日同人集寓齋可憐歲月逐征
修袂江南北相好共三十六人驂京邸。風光又遠探一唱。
長安行樂曲。空教清夢繞江

南。

褚筠心庶常招飲醉後席上作

香清高館絕紅塵。歡宴缸開石凍春。縱飲盡來燕市客。
論交半聚故鄉人。花飛二月韶光暮。燭剪三宵氣誼真。
座上不辭酩酊醉。羣知大雅有扶輪。

宿少司農裘漫士先生齋中作

永夜清如許。春星入戶低。人依仙閣上。地近禁城西。
漏轉紅塵夢。鐘聞碧樹雞。留賓容借榻。不必歎羈栖。
有懷少冢宰梁谿峯先生先生自吳之粵將歸

都門

一自三吳別。翻爲百越行。春風遶遠道。載酒憶平生。
花已殘。燕市人應返。帝京何時趨。帳外負劍語深更。

送員慎齋歸秦中

旅館逢之子。天涯結契真。一鞭辭北國。千里入西秦。月落華池夜。花開杜曲春。君歸殊不惡。憐我尙勞人。

豐臺看芍藥卽和大司馬彭芝庭先生賣花詞
韵

豐臺一帶接芳畦。是處東風有鵝啼。婪尾春深重載酒。看花人醉踏香泥。

其二

客裡探芳向夕暉。濃姿映處綠陰圍。却思陌上江南曲。應唱花開緩緩歸。

其三

輕轅此日破愁來。十里名花覆碧臺。看取韶光滿郊外。
平泉何必話殘灰。

豐臺係韓氏南莊遺址

其四

嫣紅朶朶送殘春。雨洗香英不惹塵。我向長安偶乘興。
閑情終讓種花人。

廣寧門送友

臨岐且駐青絲騎。惜別還傾白玉觴。君去江南我薊北。
落花飛絮滿斜陽。

將出都呈別大學士陳榕門先生

湛湛離江水鬱鬱桂嶺春維公蒼生福誕降如甫申
天子是倚毗變理調洪鈞一以誠格物學術爲經綸寔
施雨露膏孚處皆平均豈徒荷保障感遍江南人

其二

江南昔駐節下士依儒宗春風趨絳帳至教多涵容竭
來瞻北斗仰叩欽洪鐘獨感裁成德繼緒推心胸繼緒
何所私一藝亦必庸此意今人稀鞭執思追從

其三

平生感知已窮達非所量偶然遭世眼豈敢榮愁腸夙
佩君子訓好修以爲常徑捷戒窘步趨岐恐乖方古心

乃自鞭遲暮夫何傷願言副期許耿耿何時忘。

月滿樓詩集卷八

元和顧宗泰景嶽

受業章爲棣編輯

南旋集

丙戌。是夏南歸道中所經彌騁登眺濟寧重登太白酒樓詩江南北和者數十家歸愚先生作七言長古一篇實推卷中絕唱合渡江之作編爲南旋集

出沙窩門

昨冬客戾止。雨雪方載塗。今夏客歸去。滿野生綠蕪。倏已換寒暑。過眼流光徂。流光不我與。逝將還江湖。素衣嗟化緇。得路爭先驅。余獨一鞭去。喜出城東隅。茂林氣蒼藹。遙山勢嶽嶽。延緣送遠人。卽境皆清娛。邱壑如有

待。攬佩追仙徒。豈必戀塵俗。逐逐忘遠圖。

過潮縣

縣革今有渡頭

一帆過潮縣。回首隔張灣。人自滄波外。舟依暮靄間。殘霞明到水。遠樹綠遮山。棖觸江南意。今宵喜獨還。

獨流

言從新口去。此處更村莊。夾岸疎槐綠。銜雲落日黃。酒家多草舍。魚艇接沙塘。不奈舟行滯。風光看異鄉。

靜海縣三里莊

縣門猶咫尺。雉堞自嵯峨。東去瀕滄海。西來距大河。野畦青麥繞。沙徑綠楊多。獨立堪延覽。蒼茫付短歌。

曉過雙塘至譚官屯

流釣臺邊路。荒荒幾處村。野花依土屋。堤柳接官屯。境
曠風逾暢。天晴氣自喧。水牕聊遣興。漸喜洗塵昏。

抵流河驛登驛前高閣

菱閣俯清州。

青縣古清州

憑欄極遠眸。雲迷三淀水。日落九

河流。獨倚晴空外。真宜最上頭。振衣風浩蕩。長嘯興偏
適。

青縣道中

峭帆亭外水。故道是交河。細土圍高堰。平沙蕩素波。等
源通渤海。別派合滹沱。却憶中山近。何從望翠螺。

青縣舊傳

中山
瀑布

永安舟次遇南陵王春臺同年出示湖上讀書

圖屬題因賦贈

峭帆亭外西山青

此地有西山張秘書解有詩

峭帆亭下交河明與

君相逢快握手依然煙水等閒盟維舟並坐綠楊岸向

晚天風起清漢却憐同是江南人鄉關極目孤雲斷多

君示我湖上圖花潭松壩交縈紆彷彿此身置邱壑幽

棲那羨壺公壺我本閒情愛空谷欲到春城訪春穀朗

陵疊翠仙螺環崎湖蕩碧香流出豈知近歲羈天涯水

鄉不得長浮家燕南趙北苦馳逐雲山與發徒咨嗟卽

今掉頭始歸去。良知忽聚潞河路。一披畫卷開心顏。便擬漁村永晨暮。明發風催遠道舟。清遊直到水西頭。陶園三徑知如昨。添得時湖菡萏秋。

白興濟抵滄州

十里過花圃。滄州又目前。燕齊疆欲斷。恒衛水猶連。平壤蘆間屋。廻隄柳外船。盟亭何處所。懷古托雲煙。燕齊嘗盟

會於此有盟亭

磚河苦熱同謝逸堂作

羈縻倦水宿。况乃炎埃侵。方舟赴沙渚。紆路淹河隄。鬱鬱苦晝永。靡靡愁夏深。碧天照高旭。綠樹空繁陰。雲簇

雨不應積氣蒸遙岑解音作盼美澤恒煥知天心滄州

豈不邇水井何出尋

水井在南皮與滄州同屬天津向隸河間府

懷哉薦疎

爽行矣還滯留安得清風翔爲我開煩襟

遊化城寺登毘盧閣

寺去交河七十里瀕衛河西岸

昨宿滄州渚今入磚河湄延緣道轉廣領異行彌遲
船眺平陸倚策窮禪扉入門既委宛取徑亦幽奇
毘盧有極閣妙構凌天遠振衣上千仞揮手矚四陲
燕齊焉可辨恒衛長如斯河雲但一氣野綠無參差
眷此高曠衆獲我煙霞思興起理自得意遠神逾移
寄言同懷客
邈矣推襟期

泊頭

交河縣

遙隔風煙五壘城。扁舟更向泊頭停。
平林一帶歸鴉影。飛破長天暮靄青。

其二

夾水長隄長綠莎。峭帆卻處晚風多。
遙津直與南皮接。雲外涼波太史河。
河屬南皮

端午前三日東光道中却憶故鄉風景

清明上巳匆匆過。又是風光重五天。
故國鶯花愁裏盡。河干還滯遠歸船。

其二

江閣飛飛燕子遲。疎簾半捲日長時。美人玉藕新纈就。
競染端陽繫臂絲。

其三

越來溪畔石湖西。競渡波心畫桡齊。好待夕陽人影散。
薰風吹送綠楊堤。

其四

時節江南過落花。山中茶事復家家。却誰煮得雲泉水。
紗帽籠頭試紫芽。

其五

生涯最好是江鄉。回首家園興趣長。綠漲一溪梅雨細。

翠浮千隴。麥風涼。

其六

年來世事亦深諳。滋味隨他腐鼠甘。惟有欲歸歸路永。
水雲引夢繞江南。

德州晤盧雅雨運使出示重遊揚州詩卽

次原韻

庾園不隔柳花汀。揮麈重親漏箭停。小閣捲簾涼雨歇。
平原嶺色送遙青。

其二

一卷新詩破遠愁。臥蘇勝事續揚州。自來淮海人文盛。

看別風騷入選樓

時遇雨
淮風雅

其三

林亭再寫吐奇芬。妙墨還書白練裊。彷彿洛居何水部。
梅花重訪度江雲。

其四

平山直作謝家山。攜客來遊翠靄間。百尺桐陰千个竹。
夕陽人在白雲灣。

其五

紅泥亭子碧霞樓。勝壞依然物外求。詩酒香山人不遠。
轉開雅社到邗溝。

其六

冶春風格接詩壇。官舫銀鐙興未殘。好換竹西樽俎間。
一時歌吹滿江干。

其七

綠波碧草映紅橋。春日看春晝復宵。却憶當年留別句。
公有留別揚州故人詩於今重到也魂銷。

其八

德水扁舟恨到遲。清辭細讀想襟期。五年官閣陪高譙。
回首春風又一時。壬午春客維揚常招遊紅橋覽平山堂諸勝處飲酒賦詩宛如昨日忽忽

又成往

事矣

四女祠作四女歌

恩縣西北四十里有四女祠。祠有石碑。碑載
土人云。漢景帝時貝州人傅清。字景山。妻羅
氏。無子。生四女。終身養親。矢志不字。各植一
槐以明志。四女又通釋典。六時誦法華。後俱
拔宅升天。按貝州春秋爲貝邱。至後周始爲
貝州。宋爲恩州。今恩縣。漢時未有此名。佛法
興於東漢。明帝時。景帝時。豈有佛法耶。况昇
天乃仙家言。非奉釋可致。自是傳聞之訛。然
四女孝行。可風。里閭久傳。不可盡沒也。泊舟

已昏黑。攜燈往訪。土人猶嘖嘖道之。爲作四

女歌

古槐樹青不改。古女子志常在。熒熒父母嗟無兒。生我
四女相扶持。女兮不字養父母。令我父母將安之。女有
終身慕。誓植門前樹。樹上慈鳥自去來。春日啞啞看反
哺。女兮女兮孝則那。君子聽我四女歌。桑弧志遠號男
子。晨昏多曠將如何。

過故城縣

九折河流曲。雲林第幾層。人煙依遠郭。知是舊甘陵。

爲甘陵地

夾馬營

神光夜半飛當空。香兒營中烈火紅。驚蛇墮地化作龍。
天闕奮跡真英雄。北征軍士陳橋起。掃殄塵氛自茲始。
黃袍擁入仁和門。點檢還京是天子。麾戈躍馬致太平。
消縮叛膽爭歸誠。荆淮蜀漢月三捷。八埏從此韜天兵。
白溝北界燕雲地。不用偏陞置長吏。三百年來十六州。
割疆自得安邊計。奈何孫子悲和戎。驚心北顧飛煙烽。
匆匆南渡不復振。汴梁一去金城空。小朝廷上誰休戚。
失策低頰事仇敵。豈是先人忘遠謀。遼荒莫竟開邊績。
今看臨河夾馬營。蒼茫雲氣日奔騰。枌榆舊社丕基在。

不奈卽山問七陵。

武城懷古

此武城屬東昌漢爲東武城子游爲宰乃南武城在今嘉祥縣其地有南

武山澹

臺山

趙苞

血戰控遼西。賊人終授首。殺母子。殉之生。死兩無負。

崔炎

牀頭乃英雄。捉刀亦甚壯。夷使善知人。匪直傾雅望。

夏津舟中作

生涯依碧水。冉冉下歸船。向午鷗同夢。侵宵月共眠。風懷憐百一。歸路悵三千。却憶鄉園裡。池花早放蓮。

雨霽赴臨清州

便覺新涼好。輕帆向曲濤。碧天含雨氣。綠樹帶雲陰。沙
鳥衝波遠。河魚赴渚深。秀林何處是。古塔送鈴音。

近州有古

塔秀林亭在城外

發臨清

啟秀門前翠漲新。迴風吹雨送行人。楸花帶濕紅垂寺。
榆莢含涼綠覆津。此去聊城堪計日。自來漳水耐經旬。
蓬窗消暑吾忘世。揮扇何須障庾塵。

登光嶽樓

樓三層高十仞在東昌府照門內

聊攝城南東海東。飛樓縹緲俯晴空。泰山擁翠千峯外。

汶水流雲百里中。遠世故須翔鳳鵠。撫時寧肯逐鷄蟲。
魯連遺蹟高臺近。倜儻還希志士風。

舟中夏至

日影初依東井旁。客中逢至轉年光。碧雲千里佳人遠。
鄉思偏隨滿箭長。

其二

川源迢遞入疎煙。午向篷牕欹枕眠。兩岸濃陰圍萬綠。
落梅風裡聽新蟬。

聊城道中

玉版仙臺隔暮雲。綠蕪自繞古河濱。杏花尊酒遺山句。

客過聊城憶好春

其二

春熙門外綠波長。幽少初回挹野涼。指點穀城雲際近。
清風一帶棗林香。

陽穀舟晚望遠山

半月不見山。見山如故友。雲中一角青。遙遙出高阜。我
欲訪幽林。日夕空搔首。相望煙波間。奈月上疎柳。

魚山懷古 東阿縣

曾聞玉女嫁。弦超車馬班。班班降紫霄。一自雲旗歸洛後。
迎神何處暮山遙。
摩詰魚山神歌有迎神曲

其二

翠羽明珠感洛靈。吾山他日訪仙輶。何因便有終焉志。
清梵空從遠谷聽。

張秋道中

雲峯青過穀城山。榆陰綠到荆門驛。十幅輕帆竹口舟。
斜陽欲下蟬聲夕。

其二

北沙灣。接南沙灣。汶水分流往復還。仙螺七里青不斷。
鳳山山外看梁山。

東平有懷小洞庭

蘇源明燕集於此有小洞庭歌

超忽重巖外。波澄小洞庭。清歌蘇太守。曾此醉仙醺。水
接雁。泉白雲來。懸尾青。異時懷玉局。尙有歲寒亭。亦在東平

戴廟鎮眺望

去東平城三十五里。古爲登賢鄉。卽十字黃河東岸。有金線關。今爲

戴家

廟開

魯州風物古。曠望莫雲重。境入須句國。疆隣微子封。濟
河交遠道。梁蜀辨高峯。落日歸舟晚。疎林送遠鐘。

東平舟次徐孝廉小巢墨溪招飲俱先有作次

韻

千里逢徐幹。他鄉對酒歌。水分淮甸遠。山入濟陰多。撫
鏡憐青鬢。銜杯醉白波。君家花萼好。休悵歲華過。

汶上懷古

南下中都進蒼蒼夕照低山形全類蜀水勢半通齊境
越差堪隱田歸未許蹊客禁魯酒薄醉後一留懸汶有
併蜀山湖形勢有類西湖

靳口舟夜雷雨後看月

月出電光裏深宵照遠村不眠緣素魄無夢與歸魂魚
趁澄波伏鴉從老樹翻雨餘空極目何日到衡門

柳林卽事

蜀山湖上蜀山斜倭婧煙鬟向水涯紅蓼碧蘆交映外
一枝菡萏乍開花

其二

濃陰十里柳林東。黃帽移船仗婦風。唼唼波心菱葉亂。
夕陽隊隊下鳬翁。

經河頭灣眺金鄉山

一望叢綠合。不知芳水陂。涼雲渺無際。濕靄空含滋。
蘋藻既映蔚。菰蒲亦因依。蔥蒨難其狀。延野迷參差。
清風一以至。蕩碧開漣漪。欣欣感物態。靡靡縈幽思。
遙睇金鄉北。想像青山姿。凌波願言去。回輻窮清暉。

泚水道中

桑葉落猶未。棗花開正鮮。逝看清濟水。緩送旅人船。
魚

紫依紅日牛宮隱翠煙客歸年舊徑結伴事原田

濟寧重登太白樓

作客山東道重登太白樓入天橫岱色侵野曲河流勝
事空千古塵踪又十秋憶自辛未登樓高歌
酣宴轉瞬已數年矣重來雲路
隔浩渺起長愁

其二

天地一尊酒風騷百尺樓斯人不可作歲月竟如流余
亦江湖士能忘歌嘯秋却憐希謝眺搔首暮天愁

南池

碧天澄霽色殘霞歛陰霏拂衣步古城揮手臨南池既

開窈窕徑。亦廻激灑陂。修亭面淶水。密石交涼漪。荷陰
展翠蓋。菱葉紛華絳。林疎晚風善。鳥去孤雲飛。何當池
上酌。持此花前卮。永懷杜陵老。來吟秋雨詩。洗馬日復
夕。聞蟬去已遯。伊人邈已矣。千秋空佳期。

重望南池不及再遊復次少陵與許主簿遊南

池韻

豈不懷高詠。空維千里船。背城飛獨鳥。隱木噪疎蟬。老
去東屯日。危依西閣天。今憐古池上。芳草疊如氈。

鐵塔寺

寺在濟寧州城東舊有鐵塔卓然特立勢欲

千臂距二三里已遠遠可見遂造寺覽其勝
焉塔興於宋崇寧中明萬歷間重修之石碑
故在茲由來久矣

遶勢斷飛鳥蒼雲若可凌何年經百鍊此地聳千層清
響懸疎鐸孤宗續舊燈卓然天外看意興獨超騰

夜泊

孤舟風雨急飄泊未歸人羈旅皆人子功名誤老親家
書三月斷鄉夢一宵頻迴首江南北縱橫涕滿巾

生涯

生涯落拓惟耽酒客路蒼茫自詠詩讀罷放翁舟晚句

青山獨對夕陽時。

自師家莊將抵南陽屬魚臺

涼颼吹暑棗林疎。十里舟行小霽初。泗口水從清濟合。
魯橋人對嶧山居。泗口魯橋道中所經昨朝過野臺無鳳。今夕如
棠邑有魚。鉅野有落鳳臺爲比江鄉好風光歸心先遣
到南徐。

魚臺道中

兩岸菰蘆綠。湖陵有舊川。賣魚村外市。沽酒水邊船。對
客青山近。迎帆夕照偏。况看楊柳色。處處隱鳴蟬。

雜詩

妾住江水南。君去江水北。北去何時還。江潮有朝夕。

其二

身著紫羅襦。足躡紅絳襪。日夕上高樓。不忍看明月。

夏鎮

安瀾門東有康阜樓。樓界兩省西爲滕縣屬。

山左東爲沛縣屬。江南樓前宛然分界也。

康阜樓高映夕陽中。分兩省達津梁。花深古井。憐滕界。

雲繞留城憶。沛鄉渠外魚。依新水濶。明朱衡開新渠驛前蟬噪。

晚陰涼。時五月二十六重來細認湖陵路。沽酒春風昔斷腸。辛未

歲於此泊

舟沽酒

沛縣

歸去還憐父老情。大風歌罷涕交零。空談劉項興亡事。
流水夕陽舊泗亭。

新渠詩

舟泊夏鎮登岸過安瀾門。有亭翼然紀治渠
功也。明隆慶間大河東決。徐被其害。滕沛百
里胥爲巨浸。使者朱衡暨孫慎潘季馴治之。
開新渠復疏舊渠。自南陽至留城一百四十
里爲新渠。自留城至境山四十三里爲舊渠。
由是河水無患。田廬獲利。而漕運以通。至今

殆猶賴之作新渠詩

河自華山決。逃出飛雲橋。橫流截沛水。勢挾昭陽驕。孟陽至谷亭。百里吞雲濤。河伯何不仁。弗鬱侵城壕。不有濬治者。安得歸滔滔。熙哉使者功。醜渠一何勞。舊渠五十里。新渠百里遙。留城及境山。一一薶秋潮。草木反其澤。湖田沃其膏。挽粟旣通道。連雲飛萬艘。厥利神哉沛。安阜垂民謠。竭來安澗門。舊績亦孔昭。至今滕與沛。誰不懷樂郊。

彭口晚泊

香城涵雲水。彭口起煙霏。暝色千帆落。歸心一鳥飛。路

月浦村言集 卷二 三
遙過夏至。客久尙春衣。此夕空飄泊。松巖憶舊罪。

微山湖漁歌

卽昭陽湖

綠波香渺雲模糊。波心漁婢兼漁奴。推篷一望曉日出。民。畧。橫。截。微。山。湖。

其二

曠世誰爲漁者才。皮日休謂陸龜蒙乃世外漁者之才菰蒲深處簪簪開。却憶具區三萬頃。七十二峯橫翠來。

嶧縣道中

昭陽湖水碧于秋。風動琉璃漾細流。一帶魚梁低晚照。漁歌聲裏下邳州。

其二

林陰濃繞舊蘭陵之字舟行過堠亭開說秦碑經野燒
亂雲何處嶧山青

雨中過臺兒莊

碧樹生涼風散爲濯枝雨南山送殷雷波心急柔櫓回
首煙嵐沉蒼葦下東魯

入徐州界過夾溝驛

路接迦溝波影斜綠楊村上晚雲遮水廳乍看江南月
風檻猶開濟北花時攜盆花正開遠道久忘判作客歸程可計
轉思家如今短棹將千里人到鄉園正及瓜

彭城雜感

獨掃咸陽宮。關春亦知三。戶亦無人霸。王廳畔英雄淚。
汴泗交流問水濱。卽黃樓故址

其二

雍門琴客有遺村。一曲悲風不可聞。荊棘銅駝千古恨。
豈徒泣下孟嘗君。

其三

宋公攜客饒秋風。九日南臺落照紅。誰踞詩人龍虎席。
獨應二謝冠江東。

其四

紅葉凋殘碧水流。十年空度楚江秋。青泥休污銀毫筆。
腸斷關家燕子樓。

其五

十丈黃樓五丈旗。楚山泗水擁清奇。羽衣玉篴秋聲滿。
誰醉河傾月墮時。

河傾月墮扶杖而出
子由黃樓賦句也

其六

雲表山人衣葛衣。孤亭偃仰下斜暉。西山十二青宜餓。
好待秋空雙鶴歸。

其七

呂梁山下呂梁洪。曾破苻堅堰水通。黃帽風吹柳陰外。

空看霞照浪花紅。

其八

白酒黃雞會四隣。有村聞說舊朱陳。果然繞舍桑麻美。
底事花源更問津。

其九

荷鍾青山生死齊。鹿車行處醉偏提。可知知己人間少。
只合交遊有阮嵇。

其十

西軒說法落花深。太息秦郎寄短吟。得喪秋毫成底事。
詩情須向皎公尋。

鍾吾驛

鍾吾有古驛。三面盡黃河。南北勞勞者。多從此地過。

將抵宿遷縣

迢迢角城道。曉發古河潯。柔櫓摧疎夢。清湍激遠心。風聲沙樹起。月影水牕侵。漸近鍾吾境。微吟擁客衾。

桃源縣

蘭橈五度水邊春。何處紅霞夾去津。一樣花源花不見。應須笑煞武陵人。

舟次讀淵明集

綠荒田畝便須治。况有南村可賦詩。直待折腰才解綬。

歸來江上尙嫌遲

其二

而今與世復奚求。鳥自高飛雲自流。日進一觴秋菊好。
琴書底用更消憂。

舟泊黃河口作歌

昔登泰山上。泰山凌層霄。今到黃河濱。黃河奔怒濤。黃
河泰山眼底落。如此行踪殊不惡。丈夫生世會有時。擊
劍高歌樂復樂。大笑向東門。揮手清塵氛。原嘗春陵迎。
何許呼嗟世。上徒紛紛。不怕獷獷侗。那怪鴟鵂嚇。地下
何須笑。子高蒼茫誰是知。真假置。美酒陳嘉肴。羅墳典。

翻離騷坐愁拂鬱非吾曹。願逃物外汗漫長遊遨。扁舟
河之浹。招邀瀕真宰。左盼崑崙邱。右盼星宿海。躋文魚
而乘白龜。具闕珠宮光怪在。撫風鬱起斜陽頽。人生窮
達何有哉。不然浮槎向牛斗。尙得天上謫仙才。明發黃
頭破波去。劃然一嘯天雲開。

聞笛

江南江北柳條多。折盡還生奈柳何。風雨一舟殘夢夜。
何人吹笛上黃河。

過黃河感懷得二十韻

萬里遠流渾滔滔。日夜奔自來。趨渤澥何處下。崑崙積

石雙支合。黎陽九派翻。狀餘藏水勢。折去浸沙痕。曲轉
銀河角。平通玉塞門。無風騰雪浪。有響撼山根。夕樹波
頭吐。朝陽天外吞。排雲鱗屋動。浮氣貝宮昏。我昨飛鳥
榜。人經問火敦。

漢言星宿也

冰漸曾決決。花漲竟沄沄。閱歲

過星鳥。歸津逐海鯢。天空三楚境。霜斷兩淮村。利涉勞
孤夢。輕遊蕩旅魂。美人魚不勝。仙駕室誰捫。黃帽移千
里。青袍醉一樽。澹臺無壁擲。博望尙槎存。邈接清江路。
斜回極浦源。芳仍寒玦珮。清自脫離樊。乍憶滄溟界。長
除懊惱根。釣臺煙水近。懷古弔王孫。

天妃廟迎神送神曲

黃河南岸惠濟祠舊祀天妃東南利濟河水
安淵神之福也廟宇巍然雲旗鬋予過而
禮焉作迎神送神曲二章

雲容容兮。天門開。風飄飄兮。靈雨垂。螭駟兮。龍節水橫。
波兮。神其來。神之來兮。崑崙際。靈斯皇兮。慈以惠。適積
石兮。龍門導。長河兮。會清濟。交淮浦兮。通洪流。予女福
兮。利萬世。福萬世兮。綏壽宮。穆將愉兮。感通楸。漿兮。桂
酒瑤華兮。玉琮靈翺飛兮。翠舉鑒馨香兮。雲之中。顏欣
欣兮。康樂。水鱗鱗兮。濤不作。陽侯奉命兮。靈胥順若。

右迎神曲

神連蜺兮。旣留淹荷蓋兮。遲蘭砌。塞將憺兮。降吾以靈
修福不言兮。奠中州格廡門兮。日暮迴雲旗兮。仙路導
帝所兮。九河乘白龜兮。廣遊鰲。曠何淪乎羽淵。圭何錫
乎穹天。望碣石兮。安八極。馴浩蕩兮。流潺湲。披霓裳兮。
咸池上。壹陰陽兮。羣所望。孫壁兮。紫宮爛。昭昭兮。誰之
嘉貺。神歸去兮。歡未央。將永軺兮。鯤鯨浪。

右送神曲

清江浦

流水響淙淙。飄然雲外艘。昨宵冀茨盡。無月過清江。

六

初

跨下橋

跨下橋邊銷暮煙。淮陰往事總堪憐。英雄伏處何人識。
休怪紛紛舊少年。

漂母祠

一飯王孫豈市恩。憐才獨自感風塵。他年却恐千金報。
反薄平生知己人。

過淮上

依然幽谷子。拂衣度淮水。不似江頭橘。北踰竟化枳。

其二

不待秋風生。歸來片帆起。回首清江波。悠悠澹如此。

寶應道中

綠波渺渺接平蕪。沙際雙鷗夢不孤。
雨葉。風花。舟蕩漾。微涼人在射陽湖。

懷闕樓

麝香水。急流。遠遠下歸舟。回首浮雲白。
偏遮懷闕樓。

看花洞

水鄉家似舫。澤國夏如秋。我過看花洞。
涼風起暮愁。

秦郵雜詠

蓼花蘋葉白雲灣。淮左風流是此間。
今夕秦郵亭上望。城如孟覆水如環。
三十六湖如環如缺。廣陵志云。

其二

國士無雙秦少游。飄然楚水賦黃樓。仙才屈宋人千古。
來者空憐淮海秋。東坡謝詩云佳處未易識當有來者知

其三

駱駝橋下說淮魚。花滿苕溪春水初。好對青山便浮白。
紫髯逸興却誰如。

其四

風騷又見謫仙人。蜀客酣歌淮水春。三十六陂煙靄上。
文游臺古尚嶙峋。

其五

琉璃千頃水平鋪，微送涼風簷社湖。
游女夜來明月外，凌波猶自弄珠無。

其六

隱隱紅橋出遠村，露筋祠畔晚煙昏。
明珠翠羽空零落，千載寒流綠到門。

其七

紅板長橋綠柳堤，鴨頭水外夕陽低。
此間亦有三賢在，未合風光讓竹西。

舊有孫泰
喬三賢祠

抵揚州

景入揚州劇可憐，紅橋盡曲鎖殘煙。
客隨流水歸千里。

人別春風到一年。疎閣梅花何水部。小樓深樹杜樊川。
風流邈矣渾如夢。緩駐蘭舟暮雨天。

瓜州道中生日

眞是光陰如客過。客中初度更魂銷。離愁半類庚寅命。
羈跡將經丁卯橋。北固雲中橫翠黛。西津天外落銀潮。
吾生料理惟杯酒。醉看江蛟撫洞簫。

香阜寺

晴湖動碧陰。深林吐叢翠。嘒嘒鳴蟬聲。遙遙送涼吹。誰
攜香阜雲。一叩夕陽寺。

瓜步渡江抵京口

片帆剪渡瓜川口。大江直下驚濤走。岸頭遂到西津西。
黃帽嬉風客沽酒。去年獨上芙蓉樓。天高明月當空流。
會須醉卧三山頂。左江右海供遨遊。

其二

黃鶴林中新雨晴。佛狸廟外孤雲明。金焦兩點出江底。
江山第一看崢嶸。寄奴王者殺龍子。永初投袂丹徒起。
千秋至竟悲雄圖。蒼涼夕照空江水。

呂城

去郡城百五十里
呂蒙所築

去去朱方道。乘雲下呂城。阿蒙有武畧。舊壘想崢嶸。
拍岸清波駛。連山遠樹平。神亭知又近。何處莫煙生。

毘陵道中

百里蘭陵片帆耳。拂衣此夕真歸矣。望湖閣外起涼風。
回首芙蓉隔煙水。望湖閣之北爲芙蓉湖卽射貴湖也。

梁溪道中

江南又過落花辰。百里梁溪放棹頻。空水自流常帶月。
好山不斷欲隨人。預思鱸膾歸殘夏。虛憶櫻廚負晚春。
從此煙波連射濼。飄然洗盡客衣塵。

曲阿見竹

叢竹自娟娟。斜臨一水前。涼風初受處。幽翠動疎煙。

其二

却憶筠巷裡。蕭疎映上方。微吟五字好。亂葉碎斜陽。外方
晚峯從余遊。去秋吟竹月。聲庵有
亂葉碎斜陽句。座中一時皆稱善。

望惠山

昨過西蠡河。今泝梁溪水。遙遙見九峯。掛影煙波裏。環
翠明如螺。廻林隱若薤。薄雲山不遮。天際餘清綺。我憶
漪澗堂。笑欲拂衣起。松頂烹幽泉。寄語方袍子。

遊惠山三首用東坡與太虛參寥同至追步唐

處士王武陵竇羣朱宿所賦詩韻

我自高橋望。早騎山容蒼。竭來步巖岫。漪澗見虛堂。脩
然叢竹影。時有孤雲翔。亭際水泉二。水雪流清光。色空

轉有色香。澹疑無香。願攜小圓月。戰若俗慮忘。
虛松不礙月。疎竹不礙人。仰見山房寂。悠然結構新。逕
入倚碧檻。水石交磷磷。竹爐問舊事。題卷懷前塵。臨風
一長嘯。秋意生高旻。會與參寥子。此地聯幽隣。
舊僧號石泉。遺風邈巖樾。余五年不至山而石泉逝矣永銷永。豈知
主人苦斷絕。吾生如寄耳。無物不生滅。淨心除痛覺。常
住照寒月。松庵夕風生。石乳雪花發。七椀要忘機。空山
可卧轍。

初入澣墅關

山從白塢露煙巒。初入吳關夕照殘。人到近鄉情轉怯。

家人果否是平安